

PAYROLL DEDUCTION EXPLAIN



Deductions lo fest 12 wiks lo waka

Fo mekem kakam blong iu lo Australia hemi isi, waka ples blong iu hemi peim samfala samting fest fo iu nao. Bae iu peim bak olketa selen ea.

Olketa costs ya bae peim bak go lo waka ples blong iu olsem deductions long fest 12-16 wik. Olketa bae spredim aot lo samfala pei dei, fo meksua iu bae garem seleni stap fo mitim stap blong iu.

Hem impoten fo save lo fest 12 wik (o lelebet long taem), iu bae no garem inaf seleni left lo pei blong iu fo sendem go lo hom.

OLKETA DEDUCTIONS HEMI EXPLAINIM INSAED LO OFA LETA, EN OKETA SAVE OLSEM:



Cost fo flae blong iu go long Australia en cost blong transpot lo airport go kasem haus fo stap en kasem ples fo waka.



Visa aplikason cost.



Stat waka costs, osem medikol examinasons, vaccinations o drug tests.



Lelebet smol selen advans fo helpem iu setap bifo fest pei blong iu.



Olketa deductions wea bae gohet lo pei blong iu

Nomata fest 12 wik en olketa fest cost iu peim finis, bae samfal selen waka blong iu bae gohet fo aotim from everi pei.

Cost lo stat en olketa expens (deductions) hem bae difren raon lo Australia, lo waka ples en even lo membas lo sem tim. Hem dipend nomoa lo situason.

EXAMPOL LONG DEDUCTIONS WEA BAE GOHET HEMI SAVE OLSEM:



Haus fo stap (en samfal taem Bond), sapos waka ples blong iu stretem.



Helt Insuarens (wanfala nid fo visa blong iu).



Kaikai (sapos olketa givim).



Selen fo transpot (fo go waka en go bak haus, en samfala taem fo iu seleva).



Bill lo haus osem Utiliti (electricity, gas, wata), intanet, furniture, en haus klinas en gardeners. Iu mas save disfala selen hem insaet rent blo wan wik o oketa bae putum osem difren selen lo deduction.



Nara samting iu mas save

- Bae olketa peim iu lo wik, lo fotnaet (everi 2 wik), o lo manis- ofa leta blong iu bae garem disfala infomason
- Bae iu stap 1 tu 2 wik bifo iu tekem fest ful pei blong iu.
- Waka ples blong iu save wait kasem taem iu tekem ful pei bifo olketa statim nao deductions.
- Samfala waka ples mait givim iu long taem lelebet fo peim bak deductions.
- Olketa deduction amaont bae nid fo so aot nao long pei slip blong iu.
- Sapos iu no go waka (siki liv o annual liv) befo iu garem enaf pei liv, pay blo iu bae sot lelebet.

Sapos iu garem eni kwesten abaotem pei or deductions, plis askem waka blo iu.

Tru deductions hemi save difren from deductions lo Ofa leta blong iu

Samfala turu cost blo samfala samting iumi no save bifo iu araev lo Australia. Olsem, haus fo stap an flight waka blo iu nao bukim taem visa blong iu hemi approve, so amaont oketa putum insait lo Ofa Leta blong iu hem estimait (raf kalkulaisan nomoa).

Taem iu stat waka bae waka ples blong iu bae givim iu niu payroll deduction fom (o Ofa leta wetem niu deductions) wea hem garem tru costs en tru deductions fo iu saenim. Meksua iu save everi niu samting ya bifo iu saenim.

IMPOTAN

Waka ples blong iu save deductim nomoa seleni lo pay blong iu wea iu agri lo hem lo raeting en hem fo gut blong iu. Kipim kopi lo eni fom wea iu saenim fo rekod blong iu en fo helpim iu sapos iu garem eni kwesten.



Transpot

Cost blong transpot fo go lo waka en go from waka bae difren from waka man or mere lo difren ples lo Australia.

Waka blong iu bae save arrangim transpot fo iu – go lo waka en go from waka o iu save go lo pablik transpot, lo bicycle o oganaesim vehicle blong iu seleva.

Sapos iu hirem vehicle from employer blong iu, bae iu no onam vehicle ia taem kontrakt blong iu finis. Cost fo hirim vehicle hem kavam: running costs (insuarens, registration, parts, en maintenance). Iu Pei fo fuel (average lo wan wik from \$50 -\$150) hemi bae extra wea iu nid fo peim o oketa bae save putum insaet. Chekem waka ples blong iu.

Iu garem raet fo chosim on transpot arrangement taem iu stap lo Australia.



Haus fo stap

Waka ples blong iu bae faendim haus fo stap wea praes hem olraet en kolsap lo ples iu waka lo hem, bata hem dipend lo wanem nao hem stap lo town datfala taem.

Cost lo haus hem difren dipen lo olketa samting olsem ples hem stap, saes en taep haus, sapos hem garem furniture, intanet o utiliti. Diswan hem minim iu bae peim difren amaont from nara pipol lo tim blong iu.

Iu garem raet fo chusim on haus fo stap taem iu setol lo Australia, bata sapos iu plan fo mov aot iu mas talem lo waka ples fest taem bifo bae iu mov aot. Waka ples blong iu bae letem iu save hao meni wiks notis iu nid fo givim bifo iu mov aot.


Staka haus fo stap oketa garem bond peiment lo stat. Sapos iu spoilem propeti disfala bond ia nao bae olketa iusim fo cost fo ripea.

EXAMPOL BLO WAN WIK COST

Picsa lo daon hem som wan exampol blo cost wetem expens- diswan hem lo wan wik selen iu tekem. Plis iu mas save dat olketa ea hem exampol nomoa an amaont bae difren dipen lo olketa difren samting olsem waka blo iu en pei reit, ples iu stap, hao iu stap en badget blong iu.

Diagram 1 – garem insaed deductions fo peim bak fest setup costs


Wanfal exampol blo wan wik cost fo stap lo Australia lo national minimum wesis fo ful taem waka man en mere hemi \$753.80 (gross) o \$656.80 (afta tax)*. **Diswan hem garem deductions fo peim bak fest setup costs olsem: flaet, visa aplikason, stat blo waka costs en kas advans.**



* Rait blo tude lo 1 July 2020 en hem save senis.

Diagram 2 – afta everi fest setap cost hemi pei bak

Exampol blo wanfala wik cost fo stap lo Australia hem based lo nasinol minimam wasis fo fulaem waka man an mere \$753.80 (gross) o \$656.80 (afta tax)*. Diswan hem som costs afta everi fest setap costs hemi pei finis.



* Rates distaem lo 1 July 2020 en hem save sanis tu.



WANEM FO DUIM SAPOS IU NO SAVE GUD LO PEI SLIP BLONG IU

Tok wetem waka ples blong iu festaem. Sapos iu garem eni nara kwesten traem narafala tings olsem:

1. Tok wetem Liaison Ofisa blong iu o LSU representative.
2. Kontaktim Pasifik Leba Faciliti worker welfare. Hotline: 1800 51 51 31 (24-hour, free call).
3. Kontaktim Fair Work Ombudsman (hemi independent statutory ofis blong Australian gavman wea save givim fri help). Phone: 13 13 94. Fo infomason abaotem deductions luk lo:

<https://www.fairwork.gov.au/pay/deducting-pay-and-overpayments>